

22 janvyè

Lapriyè tout tan nan lespri a avèk tout kalite priyè ak demann. Veye pou nou pèsèvere nan sa, tout jan. Epi, priye pou tout sen yo. Efezyen 6. 18

Bondye nan mitan fanmi an

Nan kèk peyi, relijyon mele ak tradisyon mennen moun yo nan adore tout kalite dye pou pwoteje fanmi yo. Yo dedye yon lotèl nan chak kay pou sila ki pa plis pase yon fo dye, oubyen pou Bondye yo pa konnen an !

Pou nou menm ki jwenn gras konnen Bondye vivan toutbon an, ki plas li okipe lakay nou ? Kretyen, nou konnen trèbyen sa k ap fè nou byen : manje pou nou manje chak jou, lasante, lajwa fanmi nou, yo tout yo soti nan bonte Bondye san nou pa peye senk kòb. Eske nou sonje di sila ki ban nou tout bagay sa yo mèsì, pou mande li pou li prepare jounen demen an pou nou ? Yo di konsa : “yon fanmi ki san lapriyè sanble ak yon kay ki pa gen twati, ki ekspoze a tout tanpèt. Lapriyè ak fanmi an nan aswè, fèmen pòt la pou danje lannwit pa antre, e nan maten li louvri l pou nou k ap resevwa favè Bondye yo”.

Nan moman priyè sa yo, se pou nou panse ak pwòp fanmi nou, epitou, ak tout kalite bagay nou bezwen ki antoure nou ! Se pou nou entèsede ansanm pou vwazen nou yo ki poko konvèti, kondisip timoun nou yo oubyen kòlèg travay, pou malere yo ki tèlman anpil. Lè nou lapriyè ansanm sa fè kè nou louvri pou lòt yo, li soude ansanm manm fanmi an e li prepare nou pou reyinyon priyè legliz lokal la.

Petèt vitès lavi nan tan modèn sa fè nou neglije abitud sa ? Ebyen, ak imilite, annou eseye rekòmanse jodi a.

22 janvier

Priez par toutes sortes de prières et de supplications, en tout temps, par l'Esprit, et veillez à cela avec toute persévérance. Éphésiens 6. 18

Dieu au centre de la famille

Dans certains pays, la religion liée à la tradition conduit des familles à adorer des divinités protectrices du foyer. Un autel est dédié dans chaque maison à ce qui n'est qu'un faux dieu, ou le Dieu inconnu !

Pour nous qui avons le privilège de connaître le Dieu vivant et vrai, quelle place occupe-t-il chez nous ? Chrétiens, nous savons pourtant que notre bien-être : nourriture quotidienne, santé, joies de la famille, tout nous vient gratuitement de la bonté de Dieu. Pensons-nous à remercier celui qui nous comble de ses dons, à lui demander de préparer la journée de demain ? On l'a dit : "Une famille sans prière ressemble à une maison sans toit, ouverte et exposée à toutes les tempêtes. La prière familiale, le soir, ferme la porte pour laisser dehors les dangers de la nuit et, le matin, l'ouvre pour nous permettre de recevoir les bienfaits divins".

Dans ces moments de prières, pensons à notre propre foyer, et aussi à tant de besoins autour de nous ! Intéressons-nous ensemble pour nos voisins encore incroyants, les camarades des enfants ou les collègues de travail, pour les autorités, pour la paix de notre pays, pour les malheureux en si grand nombre. Prier ensemble ouvre notre cœur aux autres, soude les membres de la famille et nous prépare pour la réunion de prière collective dans l'assemblée locale.

Peut-être le rythme de la vie moderne nous a-t-il conduits à négliger cette habitude ? Alors, humblement, essayons de recommencer aujourd'hui.